

Faahororaa no te *Faaineineraa* no te *putuputuraa* Oraraa e taviniraa

4-10 NO TIURAI

TAO'A RAU BIBILIA | SAMUELA 2, 18-19

“E taata aau faahaihai o Barazilai”

w07-F 15/7 14 par. 5

Ua farii Barazilai e ua paari roa o 'na

Papu maitai, ua mauruuru roa Davida i te tauturu a Barazilai. Ua hinaaro te arii e pūpū atu te tahi mau tao'a no te haamauuru ia Barazilai. Tera rā, aita Barazilai i hinaaro i taua mau tao'a ra, mea rahi hōi ta 'na faufaa. No te mau huru maitatai o Barazilai, ua hinaaro Davida e titau ia 'na i to 'na aorai e e horoa 'tu i te tiaraa taa ē mau na 'na.

w07-F 15/7 14 par. 7

Ua farii Barazilai e ua paari roa o 'na

Aita paha Barazilai i farii i teie titauroa no to 'na matahiti rahi. Ua ite atoa paha o 'na e fatata o 'na i te pohe. (Salamo 90:10) Ua rave o 'na i tei maraa ia 'na no te turu ia Davida, ua farii rā o 'na e ua paari roa o 'na i teie nei. No to 'na tupuraa, aita Barazilai i haafauaa a'e i te hanahana o te hoē tiaraa teitei. Taa ē atu ia Abasaloma, ua faaite Barazilai i te aau faahaihai ma te paari.—Maseli 11:2.

25-31 NO TIURAI

TAO'A RAU BIBILIA | SAMUELA 2, 23-24

“E tusia anei te mau mea ta outou e horoa ra?”

it-1-F 153

Arauna

Aita Arauna i hinaaro e faaufau i te vahi, te mau puaatoro no te tusia taauahi, oia atoa te vahie. Ua onono rā Davida no te aufau atu. Te na ô ra te Samuela 2, 24:24 e ua hoo

mai Davida i te vahi tairiiraa huero maa e te mau puaatoro no e 50 sekela ario. I roto rā i te Paraleipomeno 1, 21:25, te parauhia ra e ua aufau Davida 600 sekela auro no te tātū fenua. I roto i te Samuela 2, te faahiti noa ra te taata papai i te aufauraa o te tātū fenua i reira e patuhia 'i te fata e te tahi atu taihaa no te tusia. Area i roto i te Paraleipomeno 1, te faahiti ra te taata papai i tera aufauraa, oia atoa rā te mau faanahoraa atoa ta Davida i rave no te paturaa o te hiero. (Pa1 22:1-6; Pa2 3:1) I te mea e, mea aano roa te vahi e patuhia 'i te hiero, ua aufauhia ia 600 sekela auro no tera vahi eiaha rā no te tātū fenua ta Davida i faaohipa no te faatia i te hoē fata.

1-7 NO ATETE

TAO'A RAU BIBILIA | TE MAU ARII 1, 1-2

“Te huti ra anei oe i te haapiiraa i ta oe mau hape?”

it-2-F 870 par. 3

Solomona

I to ratou faarooraa i te himene i Gihona e te nunaa i te parauraa : “Ia faarahi to Atua i te hanahana o to Solomona i'oa,” ua mātā'u Adonia e te tahi atu mau taata orure hau e horo ē atura ratou. Aita Solomona i tahoo atu ia Adonia e te mau taata o tei orure hau, ua faatupu rā i te hau. Ahani o Adonia tei riro ei arii, papu, e haapohe o 'na ia Solomona. I to Adonia hororaa e tapuni i roto i te sekene, ua tono Solomona i te hoē taata no te parau ia Adonia e mai te peu eita o 'na e rave i te tahi ohipa ino eita ia o 'na e haapohehia. I muri mai, ua parau oia ia Adonia ia hōi i to 'na fare.—Ar1 1:41-53.

15-21 NO ATETE

TAO'A RAU BIBILIA | TE MAU ARII 1, 5-6

“Patuhia maoti to ratou rima e aau”

w11-F 1/2 15

Ua ite anei oe?

Matauhia te tumu arezi no Lebanona no to 'na vai-maoro-raa, no to 'na nehenehe, no to 'na raau no'ano'a, oia atoa no te mea aita tera raau e ino hanoa noa 'tu te patia a te mau manumanu. Ua faaohipa 'ia Solomona i te taihaa maitai roa "e no te patu i te hiero. I teie mahana, ua varavara roa te tumu arezi i Lebanona.

it-1-F 411

Tumu arezi

Ua titauhia e tausani rave ohipa no te tîpû i te mau tumu arezi e no te faahaere i te reira mai Turia mai e tae roa 'tu i Sidona na te pae o te miti Mediteranea. E taamuhia te reira no te faareva 'tu i lopa. I muri iho, e faahaerehia teie mau raau na nia i te purumu e tae roa 'tu i Ierusalem. Ua ohipa amui Solomona e te arii Hiram ia manu'ia tera ohipa. (Ar1 5:6-18; Pa2 2:3-10) I reira, ua rahi roa mai te tumu arezi mai te mau tumu sukamino.—Ar1 10:27; hi'o atoa Isa 9:9, 10.

it-2-F 1047 par. 4

Hiero

I to 'na faanahoraa i te ohipa paturaa o te hiero, ua titau atu Solomona e 30 000 tane. I te ava'e tataitahi, e tonohia hoê pûpû 10 000 tane i Lebanona. E faaea ratou hoê ava'e i Lebanona e e ho'i ratou e piti ava'e i te fare. (Ar1 5:13, 14) Te vai atoa ra te taata êê i rotopu ia ratou. E 70 000 taata tei maitihia no te rave i te ohipa rau e e 80 000 taata no te tarai i te ofai. (Ar1 5:15; 9:20, 21; Pa2 2:2) Ua maiti Solomona 550 tane ei tiaau no te

mau rave ohipa e e 3300 tane ei mono. (Ar1 5:16; 9:22, 23) I roto i tera mau tiaau, e 250 Iseraela e e 3600 feia êê.—Pa2 2:17, 18.

Te mau poe pae varua

g-F 5/12 17, tumu parau tarenihia

Te Bibilia, te hoê buka parau tohu mau:
Tuhaa matamua

TE TUPURAA I TE TAIME TANO

Mea faufaa roa te tanoraa o te mau tupuraa e vai ra i roto i te Bibilia. Tera iho â te itehia ra i roto i Te mau arii 1, 6:1. No nia i te area tau i haamata 'i te arii Solomona i te paturaa o te hiero i Ierusalem, te na ôhia ra: *“I te area matahiti 480 [479 matahiti pauroa] i muri a'e i to te ati Iseraela haereraa mai i rapae i te fenua o Aiphiti, haamata ihora Solomona i te patu i te hiero o Iehova. Tei te maha 'ia o te matahiti [Solomona] i te faatereraa ia Iseraela, i te ava'e o Zifa (oia hoi te piti o te ava'e).”*

Te faahiti ra te Bibilia i te area tau 1034 hou te tau o Iesu, a maha 'tura 'ia matahiti to Solomona faatereraa ia Iseraela. Ia taio tatou 479 matahiti mai te matahiti 1034 hou te tau o Iesu, e topa tatou i te Exodo i te matahiti 1513 hou te tau o Iesu.

22-28 NO ATETE

TAO'A RAU BIBILIA | TE MAU ARII 1, 7

“Eaha te haapii mai i na piti pou?”

w13-F 1/12 13 par. 3

E iriti mai oe i te veo no roto mai i te mau mou'a

Mea rahi te veo ta te arii Solomona i faaohipa no te hamani i te mau taihaa no te hiero i Ierusalem. No ô mai te rahiraa o te veo i to 'na metua tane ra o Davida, a upootia 'i oia i nia i to Suria. (Paraleipomeno 1, 18:6-8)

E nehenehe e titō 66 litera pape i roto i te “Miti faatōhia,” oia hoi te tura rahi i reira te mau tahu'a e hopu ai, e raea-roa-hia te reira e 30 tāne. (Te mau arii 1, 7:23-26, 44-46) E piti atoa pou veo rarahi e 8 metera te teitei i te uputa o te hiero, i nia i tera na pou, ua tuuhia te tapo'i veo hau i te 2 metera te teitei. Mea poopoo teie na pou, ua hau i te 7 tene-timera te meumeu e fatata 2 metera te tia-metera. (Te mau arii 1, 7:15, 16; Paraleipomeno 2, 4:17) Papu, ua faaohipahia e rave rahi veo no te hamani i te reira.

it-1-F 355

Boaza

Ua topahia te pou i te pae apatoerau i te i'oa Boaza, “Na roto i te puai” paha te auraa. Ua topahia te pou i te pae apatoa, i te i'oa laki-na, “Ia haamau papu [Iehova]” te auraa. No reira, ia taiohia na mua te pae atoa e i muri mai, te pae aui teie ia te parau e matara mai: ‘Ia haamau papu [Iehova i te hiero] ma te puai.’—Ar1 7:15-21.

Te mau poe pae varua

it-1-F 257

Hopuraa pape

Mea faufaa roa te vai-mā-raa o te tino no te feia e haamori ra ia Iehova ma te mo'araa e te viivii ore. Mai ta te mau ohipa i ravehia i te sekene e faaite ra, oia atoa te taviniraa i te hiero. I te haamauraahia te reira, ua hopu na mua te tahu'a rahi ra o Aarona e ta 'na mau tamaiti hou ratou a oomo ai i te ahu no te hiero. (Ex 29:4-9; 40:12-15; Le 8:6, 7) No te horoi i to ratou rima e avae, e faaohipa te mau tahu'a i te pape o te tura veo e vai ra i roto i te aua o te sekene e i muri iho, i roto ia i te miti faatōhia o te hiero a Solomona. (Ex 30:18-21; 40:30-32; Pa2 4:2-6) I te Mahana faahauraa, e hopu te tahu'a e piti tai-

me. (Le 16:4, 23, 24) No te taata tei putō i te puaaniho no Azazela, te toea o te tusia animara e te puaatoro ufa apī uteute pūpū-hia no te tusia, e horoi oia i to 'na mau ahu, e hopu oia ia 'na i te pape, e i muri iho oia e nehenehe ai e haere i roto i te puhapa.—Le 16:26-28; Nu 19:2-10.

29 NO ATETE-4 NO TETEPA

TAO'A RAU BIBILIA | TE MAU ARII 1, 8

Te mau poe pae varua

it-1-F 475 par. 3

Ra'i

Ua parau Solomona, te taata i patu i te hiero o Ierusalema e, “e ere te ra'i teitei i te mea aano maitai no te riro ei nohoraa” no Iehova. (Ar1 8:27) Ei Atua poiete o te ra'i, tei nia a'e Iehova i te reira, “to 'na ana'e hoi te i'oa teitei roa 'e o te ore roa e raea. Tei nia 'e to 'na hanahana i te fenua nei e te ra'i.” (Sl 148:13) E faito Iehova i te mau ra'i mai te taata e faito i te hoê tao'a i te tiapana o to 'na rima. (Isa 40:12) I roto i ta 'na i faahiti, aita Solomona i parau e aita e nohoraa taa maitai to te Atua, aita atoa o 'na i parau e tei te mau vahi atoa te Atua. Ei haapapuraa, ua parau Solomona e e faaroo Iehova “mai te vahi e parahi ai [o 'na] i te ra'i.”—Ar1 8:30, 39.